


**TEZAUUR LITURGIC**  
**4 SEPTEMBRIE**

**CANONUL**  
**SF. IERARH**  
**IOASAF,**  
**EPISCOPUL**  
**BELGORODULUI**



**MOSCOVA, 2000**



# **Канон**

## **СВЯТИТЕЛЮ**

### **Иоасафу Белгородскому**

#### **Песнь 1**

Ирмос: Воду прошед:

Тьмою искушений побеждаем, к тебе, святителю, припадаю. О святителю Христов Иоасафе, от погружения в вечную тьму избави мя.

Страстьми аз содержим весь, к твоему предстательству прибегаю, святителю Христов Иоасафе, твоими молитвами спаси мя.

Слава: Ко Спасу Христу дерзновение имея, святителю Христов, молю тя, обращая вся помышления к тебе, от обдержажих грехов свободи мя.

И ныне: Тьмою страстей и напастей терзаемую душу мою исцели, Дево Богомати, здравие мне подавающи.

#### **Песнь 3**

Ирмос: Небеснаго круга:

Отче Иоасафе премудре, многих спасения виновник, утверждение быв пастве твоей, и мене утверди ко спасению.

Душевного мира стяжатель от Бога, о святителю Божий Иоасафе, укроти молитвами твоими и моя душа бури и печали.

Слава: От благодетеля Господа Христа прощение грехов получивший, молитвами твоими и мне испроси прощение грехов даровати.

И ныне: Одержимому безумием страстей, Дево Мати, помози, Тя бо вем, Пренепорочная, от страстей исцеление.

### **Седален**

В Белограде подвизался еси, святителю Христов Иоасафе, учение Евангельское проповедал еси, и сего последователь был еси истинный, истинную любовь ближним явил еси, вшел еси во врата царства Христова, яко благодати Божия наследник.

### **Песнь 4**

Ирмос: Услышах, Господи:

Милосердие твое к убогим ведая, сонаследниче Христов, подаждь и мне, святителю, каплю сего милосердия.

Неизреченных благ у Господа сподобльшийся в вечном царствии Его, святителю, имам на тя надежду, да и мене ходатайством твоим сих сподобиши.

Слава: На дне пропасти греховной низлежащу

мне, помози, святителю Христов, яко благолюбив сый.

И ныне: Имея Тя, Всепетая, ко спасению руководительницу, всегда в бедах и скорбех возлагаю на Тя упование.

### **Песнь 5**

Ирмос: Просвети нас:

Небесного веселия сердце мое исполни, святителю Иоасафе, радость спасения вечного подаючи ходатайством твоим.

Мир, превосходящ всяк ум, имети, милосердне святителю, и мне подаждь нечистому, очищая сердце мое всесовершенно.

Слава: Светлости Божественной достигнувый, мрак души моя, святителю Богом возлюбленный, просвети лучами света твоего.

И ныне: Недуг неисцельный души моя исцели, Пречистая Богоневесто, молитвами Твоими, посещения Твоего сподобляючи.

### **Песнь 6**

Ирмос: Молитву пролию ко Господу:

К тебе, Божию святителю, молитву пролию яко ходатаю, да естество падшее, тлением и смертию объятое, от тли и смерти освободит Христос.

Твердого предстателя ты имам, угодниче

Христов, и злых напастей решителю, всегда усердно призываю, да сих мене исхитиши. Слава: Господь Судия - блаженное имя твое, святителю отче Иоасафе; буди ми кроткий судия и милостивый защитник пред милостивым Господом Судиею.

И ныне: Лежу ныне, болезную душею и плотию, недугуя за грехи, но Ты, Пречистая Богомати, исцели душевные моя недуги, и от телесных недугов возставляющи.

### **Песнь 7**

Ирмос: От Иудеи дошедше:

Свое спасение устроить хотя, девственную чистоту явил еси, святым отцам подражая, богомудре Иоасафе, и якоже отцы наша воспел еси: Боже, благословен еси.

Умоли, святителю, Избавителя Господа, к Нему теплыми молитвами, да избавит нас от вечного осуждения, да и мы зовем с тобою: Избавителю Боже, благословен еси.

Слава: Покаяние всецелое и лютотрудное показал еси, святителю, всем нам, да и мы, подражающе житию твоему, достигнем сокровища небеснаго, воспевающе: Боже, благословен еси.

И ныне: Сподоби нас, Пречистая, рождшая

Христа, с любовью поющих Тя, избавиться от тления и слабости телесныя.

### **Песнь 8**

Ирмос: Царя Небеснаго:

Слуга Царя Небесного, ускори молитвами твоими помощи ми, да не отвергнут буду от Христа Царя.

Ты, предстателю от Бога крепкий, души моя болезни исцели, да и ты, отче Иоасафе, прославлю во веки.

Слава: Богатство милости и исцелений ты подаеши всем, святителю, верно ты славящим.

И ныне: Прилоги вражии и многия напасти Ты отжени от нас, Пречистая, да величаем Тя во веки.

### **Песнь 9**

Ирмос: Воистину Богородицу:

Не отвратися слез моих, святителю, покаяния слез проливший токи, пред Христом воплощимся.

Преисполнен радости небесныя, видений небесных удостоенный, и нас небесных радостей сподоби молитвами твоими.

Слава: Озаренный светом невечерним, святителю пресветлый Иоасафе, сподоби и нас озаритися свыше молитвами твоими.

И ныне: Исцели, Дево, немощи наша, здравие всецелое подаючи, и буди нам стена, и покров, и прибежище.

[Канон святителю Иоасафу, епископу Белгородскому и Обоянскому (†1754), составлен архиепископом Эдмонтонским и Западно-Канадским **Иоасафом Скородумовым**; 1888 – 1955]

